



Tusagassiorfinnut nalunaarut Pressemeddelelse

Alumiiniuliorfiliortoqassappat avatangiisinut sunniutigisinnaasai tusarniaassutigineqalerput

Pilersaarusiornermut atatillugu avatangiisinik nalilersuineramik nalunaarusiaq ullumimiit marlunngorneq 15. januar 2008 ilanngullugu kikkunnut tamanut tusarniaassutigineqalerpoq. Nalunaarusiami Kalaallit Nunaanni alumiiniuliorfimmik pilersitsisoqassappat avatangiisinut sunniutigisinnaasai sammineqarput.

Nunap immikkoortua pineqarteq Sisimiut avannaaniit Nuup kujataanut isorartussuseqarpoq. Misissuinerit aallarnersaataasut 2006-imi decemberimiilli ingerlanneqarput.

Kikkunnut tamanut tusarniaanermut atatillugu pilersaarutaavoq 2008-mi sapaatip akunnerini 2 aamma 3-mi kommunini pineqartuni, tassaasut Sisimiut, Maniitsoq aamma Nuuk, innuttaasunik ataatsimiisitsinerit arlaqartut ingerlanneqarnissaat.

Inatsisartut upernaarmanna ataatsimiinneranni "Kalaallit Nunaanni suliffissuit nukinnik annertuumik pisariaqartitsisut pillugit nassuiaat" alumiiniuliorfimmik pilersitsisinnaanermut tunngassuteqarteq Inatsisartunit akuersaartumik tiguneqarpoq.

Nassuiaatip innersuussutaasa ilaagaat suliniutip aallartitinneqarnissaa pillugu aammalumi alumiiniumik aatsiteriviup inissiffissaa pillugu inaarutaasumik aalajangiisoqartinnagu pilersaarusiornermut atatillugu avatangiisit nalilersuiffigeqqaarneqassasut. Maanna kikkunnut tamanut tusarniaassutigineqarlersoq tassaavoq pilersaarusiornermut atatillugu avatangiisit nalilersornerannik suliaq taanna.

Pilersaarusiornermut atatillugu avatangiisit nalilersornerannik nalunaarusiaq Avatangiisinut Pinngortitamullu Pisortaqarfimmit piniarneqarsinnaavoq imaluunniit nittartakkamit uannga pissarsiarineqarsinnaalluni:

<http://www.aluminium.gl/smv>.

Inussiarnersumik inuulluaqusillunga

Arkalo Abelsen

Peqqinnissamut Avatangiisinullu Naalakkersuisoq

12. december 2007

Postboks 1614
3900 Nuuk
Oq/tel +299 34 50 00
Fax +299 32 52 86
APP-DMN@gh.gl
www.nanoq.gl

Itinerusumik paasisaqarusukkuit saaffigiuk:

Pilersaarusiornermut atatillugu avatangiisit nalilersornerannik suleqatigiissitat siulittaasuut allaffimmi pisortaq Klaus Georg Hansen, Avatangiisinut Pinngortitamullu Pisortaqarfik,
oqarasuaat: +299 34 67 27, mobil: +299 49 94 36 iml. email: KGHa@gh.gl

